

Izaslanik PDP-a u Domu naroda Parlamenta BiH

## Vuković: Opasna igra Čovića i Dodika s Daytonom, RS bi mogla izgubiti ono što ima

Nenad Vuković, izaslanik PDP-a u Domu naroda Parlamenta BiH, je, komentirajući za N1 niz neuspjelih sjednica Doma naroda BiH, naveo da je to bilo i očekivano od trenutka kada je HDZ BiH odlučio sačuvati kadrove SNSD-a u državnim institucijama.

- Jedini način da se tu strukturu sačuva kao dio vlasti na razini BiH je bio ovo što se i dešava, a to su stalne blokade, ukazao je Vuković te sa žaljenjem konstatirao da je HDZ BiH odlučio sačuvati svoje tradicionalne partnere u vlasti, iako su oni antieuropska struktura, zbog kojih BiH kasni na europskom putu. HDZ BiH, dodao je sugovornik N1, sad plaća cijenu svog izbora, i pred domaćom, i pred međunarodnom javnošću.

U osvrtu na izjavu Dragana Čovića o potrebi izmjene Ustava BiH, naveo je da je riječ o jako teškoj kvalifikaciji.

- On je otišao korak dalje i prvi put čujemo da se i on zalaže za izmjenu



Daytonskog sporazuma. To je jedna vrlo opasna priča kad, uz Dodika, imate još jednog aktera koji je raspoložen mijenjati Dayton. Ja bih rekao da ta situacija sad prelazi u opasnu, upozorio je ovaj oporbeni izaslanik.

Kada je u pitanju poziv Milorada Dodika na 'razdruživanje' i promjenu okvira BiH, Vuković smatra da je riječ o iracionalnim politikama i politikama inata koje mogu biti pogubne za RS.

- Za one koji su realisti u politici i koji malo bolje poznaju prilike, rekao bih da je potpuno suprotno i da bi bilo kakav novi okvir ili bilo kakav novi Dayton značio sigurno manje za RS i srpski narod u BiH, smatra Vuković koji je podsjetio da RS ima jednu ozbiljnu autonomiju s velikim brojem suštinskih nadležnosti, temeljem čega se može reći da RS gotov da ima ono što ima veliki broj država, a opet uz to ima i odlučujući paket na razini BiH jer ništa ne može bez glasa iz RS. Na koncu je zaključio da otvaranje pitanja preuređenja BiH najviše odgovara hrvatskoj strani, koja smatra da nije postigla svoje interese, ali i da je ulazak srpske politike u tu priču rizičan.

## Blagojević: Iracionalna politika iz RS-a ne može donijeti korist tom entitetu

Ako bismo sudili po nedavno održanim prijevremenim izborima za predsjednika RS-a, rekao bih da građani ne prepoznaju napade na Ustavni sud BiH obzirom da je na tim izborima kandidat SNSD-a imao podršku, a vodi destruktivnu politiku kada je riječ o tom pitanju, iako to što SNSD radi u svezi tog pitanja zaista ne vodi ničemu, izjavio je profesor ustavnog prava Milan Blagojević te dodao da takvi potezi neće dovesti ni do kakvog pozitivnog rezultata. Podsjetio je da Ustavni sud BiH ima ukupno devet sudaca, dva od kojih su iz RS-a, te ocijenio da politika koju vode SNSD i Milorad Dodik ne može donijeti korist Republici Srpskoj. - Iako on to nije, Ustavni sud BiH naziva se navodno krnjim sudom zato što nema dvoje sudaca iz RS-a, a nema ih, ne zbog BiH, već zato što jedna iracionalna politika iz RS-a to ne dozvoljava, ukazao je Blagojević. Na pitanje o političkoj manipulaciji etničkom

pripadnošću sudaca, ovaj profesor ustavnog prava istaknuo je da sudac, kada uđe u sudnicu, mora zaboraviti koje je nacije ili vjere te mora biti pošten sudac, bez obzira kome sudi i kome treba presuditi. Kada je riječ o Ustavu BiH, potvrdio je da u Čl. 6, koji se odnosi na suce Ustavnog suda BiH, ne postoji nacionalni predznak. Kako je pojasnio, Ustav propisuje da dvoje sudaca iz Republike Srpske bira Narodna skupština RS-a, dok četvero sudaca iz Federacije BiH bira Parlament tog entiteta.

- No, domet i cilj Ustava se ne može tumačiti, promatranjem samo jedne odredbe. On sadrži i Čl. 9 u kojem se kaže da će dužnosnici u institucijama BiH i domaći suci u Ustavnom sudu BiH u pravilu održavati nacionalnu strukturu BiH, pojasnio je Blagojević te poručio da, kada je u pitanju Europski sud za ljudska prava, tu zaista ne smije biti nacionalnog ograničenja niti ga ima u Ustavu BiH.

## Košarac: Konaković bi trebao priznati da je Dodik lider koji vodi, dok on ostaje u sjeni

Ministra vanjskih poslova BiH Elmedina Konakovića boli što su lider SNSD-a Milorad Dodik i članica Predsjedništva BiH Željka Cvijanović otišli su u SAD, cijeni ministar vanjske trgovine i ekonomskih odnosa BiH Staša Košarac (SNSD).


- Konakovića nitko ne zove, ostaje mu samo u Sarajevu, u vlastitoj nemoći i očaju, snimati nesuvisle video uratke i u strahu davati besmislene i populističke izjave, navodi Košarac uz opasku da Konakovićeve riječi nisu ništa drugo do odraz straha od diplomatskih uspjeha Republike Srpske.

- Njegove insinuacije o tome što dužnosnici RS-a smiju reći u SAD-u govore isključivo o njemu i njegovoj općoj dezorijentiranosti. To je

konvertit koji je prije izbora u SAD-u podržavao Bidena, a sada je odjednom za Trampa. Konaković dobro zna da ne može parirati politikama Dodika, lidera koji dosljedno brani interese srpskog naroda i RS-a, i koji ostvaruje rezultate na međunarodnoj sceni, stoji u objavi Košarca na Instagramu, a u kojoj se dodaje da se Konaković, za razliku od Dodika, koji je prepoznat kao lider i politički faktor, pokazuje kao nesposoban političar.

- On od Dodika može samo sa učiti! Umjesto što se bavi praznim optužbama i jeftinim populizmom, Konaković bi trebao priznati da je Dodik lider koji vodi, dok on ostaje u sjeni, bez stvarnog utjecaja i bez političke težine, zaključuje Košarac.

Bosna i Hercegovina  
Federacija Bosne i Hercegovine  
Kanton Sarajevo



Bosnia and Herzegovina  
Federation of Bosnia and Herzegovina  
Canton Sarajevo

---

Općina Stari Grad Sarajevo

Municipality of Stari Grad Sarajevo

### OBAVJEŠTENJE O RASPISIVANJU JAVNOG POZIVA

Općina Stari Grad Sarajevo, putem Službe za privredu, obavještava da je raspisan Javni poziv stručnim licima za podnošenje prijava za učešće u radu Komisije za utvrđivanje ispunjavanja propisanih uslova za obavljanje određenih djelatnosti na području Općine Stari Grad Sarajevo za 2026. i 2027. godinu. Rok za podnošenje prijava je 8 (osam) dana od dana objavljivanja. Kompletan tekst javnog poziva sa detaljnim uslovima i načinom prijave dostupan je na zvaničnoj web stranici [www.starigrad.ba](http://www.starigrad.ba).

Broj: 04-45-354/26  
Sarajevo, 04.02.2026. godine

**Služba za privredu**

**ŠGD „HERCEGBOSANSKE ŠUME“ d.o.o. KUPRES**

Broj: 01/1-193/26  
Datum: 02. veljače 2026. godine

Temeljem članka 7d. Statuta Šumsko gospodarskog društva „Hercegbosanske šume“ d.o.o. Kupres, članka 20a. stavka (2) Zakona o radu („Službene novine FBiH“, broj: 26/16, 89/18, 23/20 - Odluka Ustavnog Suda, 49/21, 44/22 i 39/24), članka 20. stavak 4. Zakona o radu („Narodne novine HBŽ“, broj: 10/22), članka 6. Kolektivnog ugovora o pravima i obavezama poslodavca i radnika u ŠGD „Hercegbosanske šume“ d.o.o. Kupres, članka 4. Pravilnika o radu ŠGD „Hercegbosanske šume“ d.o.o. Kupres (broj: NO-1489/24 od 10. lipnja 2024. godina) i Odluke o potrebi zasnivanja radnog odnosa sa pripravnicima, broj: 01/1-77/26 od 29. siječnja 2026. godine, a sukladno Uredbi o postupku prijema u radni odnos u javnom sektoru u Hercegbosanskoj županiji („Narodne novine HBŽ“, broj: 4/23), raspisuje

**NATJEČAJ**  
za prijem vježbenika u radni odnos na određeno vrijeme radi stručnog osposobljavanja za samostalan rad

1. Master/Bachelor (smjer: ekologija, biologija ili zaštita okoliša) - 2 (dva) pripravnika u trajanju od 12 mjeseci,
2. Master/Bachelor (smjer: ekonomski) - 2 (dva) pripravnika u trajanju od 12 mjeseci,
3. Master/Bachelor (smjer: društveni) - 2 (dva) pripravnika u trajanju od 12 mjeseci,
4. Master (smjer: šumarski/drvnotehnoški) - 1 (jedan) pripravnika u trajanju od 12 mjeseci,
5. Master/Bachelor (smjer: informatički/tehnički) - 1 (jedan) pripravnika u trajanju od 12 mjeseci.

Rok za podnošenje prijava na Natječaj je osam dana, s tim da se u rok za podnošenje prijava ne računa dan objavljivanja javnog natječaja, već se rok računa sljedećeg dana od dana njegove posljednje objave. Integralni tekst Natječaja je u cijelosti objavljen i dostupan na službenoj web stranici ŠGD „Hercegbosanske šume“ d.o.o. Kupres, [www.hbsume.ba](http://www.hbsume.ba).

**DIREKTOR**  
**Nikola Perković, mag. ing. šum.**





# 25 godina sa vama!